

續濟源縣志

已見 152/125
新 152/125

續修濟源志序

符以拙吏飲濟源之水十有八年病且老歸志決矣辱邑中紳耆野叟忘其拙苦苦見留馬齒無餘龍鍾可愧余既不能別天壇辭王屋落帆京

續濟源縣志

序

口聽潮聲以樂於桑梓曰追念前此一十八年欲為而為者已麤麤了事欲為而未及為者邑志年久不可不修東門橋摧於水步者騎者負販者荷耒耜以往耕者紆道不

便宜急急以築之也邑中紳
耆野叟知余之志為余了其
所未了以慰余耿耿之心不
一年而橋築矣乃相率登余
之堂以告余曰邑志闕風俗
人心有司之政教疆域星野

續濟源縣志序

賦稅兵防禮樂制度及文獻
興替時會變遷久缺不修公
所歎也邑人之辱也公在茲
邑久見信公一言無不趨義
釀金勇於聽公之所命公去
則難矣余曰僕素餐此邑十

有八年茲事未舉面有怍色
今邑人樂於此舉以衆擊用
洗余所愧余何惜一言默嘿
孤邑人之意不數月修志之
資又已集矣適天津觀察李
誼源先生讀禮在籍察余拙

匡余未遑設局定章程採訪
節孝延邑中之秀分領局事
又值河東劉觀察以言事罷
官客居懷州延請掌理修纂
事堅辭不允以誼源觀察之
勸不已始諾焉又余辛酉之

校所得士王子勲匡邑孝廉
衛君慶悰明經李際晨博士
弟子員段叙鈞等相與編輯
對校書成請序於郡伯袁
公袁公曰君在濟十有八年
欲去邑人留之為此於欲去


之後此作宰之餘波也樂為
之序存蹇劣無狀受知郡
伯彌滋愧矣此修志之始末
不可無述志刊竣將携以作
歸裝使後世子孫勿忘濟源
士風民情之篤厚焉

皆

嘉慶十八年歲次癸酉孟秋
之吉

賜進士出身濟源縣知縣京江何

荇芳撰



續濟源縣志

序

五

續纂濟源縣志目錄

卷一

脩志姓氏

凡例 續纂

圖經

沿革

星野

疆域

形勢

風俗

土宜

以上見前志

卷二

祥異

續纂

山川

續纂附錄

古蹟

續纂

續濟源縣志

目錄

陵墓

見前志

寺觀

續纂

建置

城池

續纂

公署

見前志

學校

續纂

倉廩

坊表

市鎮

里甲

舖遞

關梁

以上見前志
以上見喬續纂

渡

見前志

卷三

祀典

濟瀆

續纂

文廟

續纂

壇壝

見前志

祠廟

續纂

卷四

水利續纂

賦役

戶口

田賦

鹽引

稅銀

積貯以上見前志

蠲賑續纂入

曠典續纂

職官

名宦

卷五

選舉

薦舉

續纂

進士

續纂

舉人

續纂

貢士

續纂

例貢

續纂

例監

續纂

武職

見前志

武科

續纂

續濟源縣志

目錄

掾吏

續纂

封贈

續纂

襲廕

見前志

卷六

人物

宦績

續纂

忠烈

續纂

孝義

續纂

一行

續纂

文學

寓賢

隱逸

仙釋

方技

以上見前志

卷七

列女

壽婦

續纂

節孝

續纂

烈婦

續纂

貞女

續纂

烈女

續纂

賢孝

續纂

卷八

藝文

歷代御製續纂 表疏見前志 古文見前志

議續纂 論見前志 問續纂 辨續纂 序續纂

傳續纂 銘見前志

卷九

藝文

墓誌續纂 墓表見前志

卷十

藝文

續濟源縣志

目錄

三

碑記續纂

卷十一

藝文

詩續纂 賦續纂

卷十二

識餘

古事續纂 雜誌續纂 辨訛續纂

修志姓氏

監定

懷慶府知府袁繼綱 山東人

總纂

原任西分守平蒲解絳霍隰水利兵備道兼管山陝河南三省鹽務劉大觀 山東人

纂脩

濟源縣知縣候補同知何荇芳 江蘇丹徒人

分脩

前任扶溝縣教諭保舉知縣辛酉舉人王勳臣 汜水人

監脩

續濟源縣志

姓氏

濟源縣教諭凌映斗 魯山人

濟源縣訓導王吉星 安陽人

邵原鎮巡檢馬瀛 山西人

濟源縣典史安作桐 湖北人

參訂

直隸分巡天津河間兵備道李師舒 邑人

編輯

壬子科舉人衛慶崇 邑人

歲貢生李際晨 邑人

廩生段叙鈞 邑人

陳垣同志遺書



附

附

校對

監

業

採訪

也

西

科

拔

貢李士翼

歲

貢

生王東屏

廩

生張恒昌

廩

生衛有淇

續濟源縣志

姓名

二

廩

生陳允文

增

生鄭驥邁

增

生劉夢麟

增

生王義

附

生周曉峯

附

生張在一

附

生鄭鵬冲

附

生李學詩

附

生翟金聲

續纂濟源縣志凡例

一各省通志郡志首載

御製蓋聖謨洋洋嘉言孔彰見之於書訂謨定命遠猷辰告見之於詩凡修志者均宜法古以

綸音恭錄首簡使臣子警惕身心宣揚士庶也今敬謹續入

一是書名曰續纂因前志刊刻未久字無譌訛若置為棄物別鐫新板多糜費而稽歲時今有前志所宜補入者有宜訂正者續纂一志用脩參考

一續志目錄胥依舊式不另創體例致有參差其無所增入者則註見前志有所增改則註續纂庶兩志可以互證

一前志

文廟祀典

崇聖祠從祀諸賢未列名氏祭品祭器亦未周脩茲依郡志一一補入又乾隆年間

欽頒樂章樂譜舞譜儀注恭錄定式刊載祀典俾躬列學校者知典章文物之大脩亦稽古習禮之先資也一濟邑職官自周秦以後至

國朝康熙年間有前志所不載而見於志傳碑版者列

入補遺或有其官有其人而失其名則闕之出於何書加小註無確據者不濫入

一宦績志烈孝義一行皆所謂卓犖人物也載於書遺於後足以動觀感而持風化有必書書必考實美無溢期於取信而已

一節孝烈婦貞女烈女賢孝採訪得二百餘人天性本乎自然則倣由於習俗亦山川森秀之氣有以醞釀之也恐稽覈不實稍有遺憾皆取族隣甘結又印以紳耆鄉老之公論始列入志

一藝文所以紀人紀地紀事前志多有刪去今擇其續濟源縣志

卷一

凡例

二

尤雅者按康熙年間舊志選入其文字荒蕪事不經者不錄

一前志目錄不列金石多散見於藝文今以涉後所及採入雜志不敢以金石名篇如天壇王屋枋口盤谷多古人摩厓以待博雅君子異日蒐羅今會卒歲事不能辦也

一濟源多泉舊志所載寥寥今補入七十九泉泉名不雅馴者易以今名有記在山川卷中

續濟源縣志卷一

御製

世祖章皇帝訓飭士子卧碑文 順治九年

朝廷建立學校選取生員免其丁糧厚以廩膳設學於學道學官以教之各衙門官以禮相待全要養成賢才以供朝廷之用諸生皆當上報國恩下立人品所有教條開列於後

一生員之家父母賢智者子當受教父母愚魯或有非是者子既讀書明理當再懇告使父母不陷於危亡

一生員立志當學為忠臣清官書史所載忠清事蹟熟讀續濟源縣志

卷一 御製

互相講究凡利國愛民之事更宜留心

一生員居心忠厚正直讀書方有實用出仕必作良吏言心術邪刻讀書必無成就為官必遭禍患行害人之事者往往自殺其身常宜思省

一生員不可干求官長交結勢要希圖進身若果心善全上天知之必加以福

一生員當愛身忍性凡有司官衙門不可輕入即有知已之事止許家人代告不許手預他人詞訟他人亦不許與連生員作証

一為學當尊敬先生若講說皆須誠心聽受如考不

容再引毋妄行辨難為師長者亦當盡心教訓勿致怠
一軍民一切利病不許生員上書陳言如有一言廷白以
違制論點革治罪

一生員不許糾黨多人立盟結社把持官府武斷鄉曲所
作文字不許妄行刊刻違者聽提調官治罪

聖祖仁皇帝聖諭十六條 康熙三十年

敦孝弟以重人倫 篤宗族以昭雍睦

和鄉黨以息爭訟 重農桑以足衣食

高節儉以惜財用 隆學校以端士習

黜異端以崇正學 講法律以儆愚頑

續濟源縣志

卷一

御製

二

明禮讓以厚風俗 務本業以定民志

訓子弟以禁非為 息誣告以全善良

誠匿逃以免株連 完錢糧以省催科

聯保甲以弭盜賊 解讎忿以重身命

世宗憲皇帝訓飭士子碑 雍正四年

國家建立學校原以興行教化作育人材典至渥也朕臨
御以來隆重師儒加意庠序近復慎簡學使釐剔弊端務
期風教修明賢才蔚起庶幾棧樸作人之意乃比年士習
未端儒效罕著雖因內外臣工奉行未能盡善亦由爾諸
生相錮已久粹難改易之故也茲特親製訓言再加警勸

爾諸生其敬聽之從來學者先立品行次及文學學先事
功後文有叙爾諸生幼聞庭訓長列官墻朝夕誦讀寧無
講究必也躬修實踐砥礪廉隅敦孝順以事親秉忠貞以
立志窮經考業勿雜荒誕之談取友親師悉化驕盈之氣
文章歸於醇雅毋事浮華軌度式於規繩最防蕩軼子於
佻達自昔所譏苟行止有虧雖讀書何益若夫宅心不淑
行已多愆或蜚語流言脅制官長或隱糧包訟出入公門
或唆撥姦猾欺孤凌弱或招呼朋類結社要盟乃如之人
名教不容鄉黨不齒縱倖逃褫扑濫竊章縫返之於衷豈
無愧乎况鄉會科名乃掄才大典關係尤鉅士子果有直

續濟源縣志

卷一

御製

三

才實學何患困不逢年顧乃標榜虛名暗通聲氣夤緣詭
遇罔顧身家又或改竄鄉貫希圖進取囂凌騰沸網利害
私種種弊端深可痛恨且夫士子出身之始尤貴以正若
茲厥初拜獻便已作姦犯科則異時敗檢踰閑何所不至
又安望其秉公持正為國家宣猷樹績膺後先疏附之選
哉朕用嘉惠爾等故不禁反復憐憐茲訓言頒到爾等務
共體朕心恪遵名訓一切痛加改省爭自濯磨積行勤學
以圖上進國家三年登造束帛弓旌不特爾身有榮即
祖父亦增光寵矣逢時得志寧俟他求哉若仍視為具文
玩愒勿儆毀方躍冶棄棄自甘則是爾等冥頑無知終不

能率教也既負栽培復干咎戾王章其在朕亦不能為爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷至別職業勿修咎亦難違勿謂朕言之不預也爾多士尚敬聽之哉

世宗純皇帝整飭書院成就人才上諭 乾隆元年

上諭書院之制所以導進人才廣學校所不及我

世宗憲皇帝命設之省會發帑金以資膏火恩意至渥也古者鄉學之秀始升於國然其時諸侯之國皆有學今府州縣學並建而無遞升之法國子監雖設於京師而道里遙

續濟源縣志 卷一 御製

四

遠四方之士不能胥會則書院即古侯國之學也居講席者固宜老成宿望而從遊之士亦必立品勤學爭自濯磨俾相觀而善庶人才成就足備朝廷任使不負教育之意若僅攻舉業已為儒者末務况藉為聲氣之資游揚之具內無益於身心外無補於民物即降而求文章成名足希古之立言者亦不多得寧養士之初肯耶該部即行文各省督撫學政凡書院之長必選經明行修足為多士模範者以禮聘請負笈生徒必擇鄉里秀異沉潛學問者肄業其中恃才放誕佻達不羈之士不得濫入書院中酌做白鹿洞規條立之儀節以檢束其身心做分年讀書法予之